

SPORTBELEID

DOELWITTE:

1. Die beginsel van sportdeelname in die skool is om aan elke leerling die geleentheid te bied om aan ten minste een somer- en een wintersportsoort deel te neem, op so 'n manier dat:
 - 1.1 sportdeelname nie afgedwing word op 'n leerling nie;
 - 1.2 korrekte sportmanskap te alle tye bevorder en nagestreef word;
 - 1.3 trots, d.m.v. sport in die skool gekweek word;
 - 1.4 die akademiese prestasie van die leerling nie deur sportdeelname benadeel word nie, maar bevorder word;
 - 1.5 die leerling 'n trots op sy liggaam kweek met dien verstande dat 'n gesonde verstand en gees huisves.

RIGLYNE:

2. Hoërskool Bosmansdam bied die volgende sportsoorte aan:

Krieket
Atletiek
Tennis
Rugby
Hokkie
Landloop
Netbal
Skaak
Noodhulp
Bodyboarding
Dogterskrieket
Swem: slegs vir leerders met die nodige agtergrond

3. Die sportdrag van die skool vir spansporte eenvormig gedra sal word, m.a.w. almal moet dieselfde geklee wees, sodat die span en samehorigheidsgevoel en lojaliteit teenoor die skool daardeur versterk word.
4. Die aankoop van die skool se amptelike sweetpak moet sterk aangemoedig word.

5. Elke deelnemer moet te alle tye netjies en korrek (soos voorgeskryf) aangetrek wees vir wedstryde en geen verskoning moet aanvaar word nie. Hoofde van sport moet sorg dat 1ste spanne so ver moontlik in volle skooldrag vertrek of ten minste dieselfde lyk as hulle vertrek. Ekstra korrekte klere vir deelname moet in gevalle van nood beskikbaar wees. Afrigter(sters)/Begeleiers van spanne/atlete moet altyd netjies geklee gaan.
6. Die leerlinge se voorkoms t.o.v. netheid (hare, dra van juweliersware, ens.) moet te alle tye wees soos voorgeskryf deur die skool. Indien nie, MOET leerlinge deelname ontsê word.
7. Leerlinge moet ontmoedig word om in hul skoolklere (uniform) (of wedstryddrag) te oefen. Beide genoemde kleredragte verteenwoordig 'n ander norm as oefen.
8. Afrigters moet stiptelikheid t.o.v. oefeninge en wedstryde streng nakom: Verantwoordelike: Net noodgevalle is 'n verskoning. Laatkommers moet summier gestraf word of 'n wedstryddeelname ontsê word. Dit is vanselfsprekend dat 'n afrigter nooit laat sal wees nie.
9. Indien 'n leerling 'n skooldag (Vrydag) voor of op 'n kompetisie afwesig is, kan hy nie vir 'n span gekies word nie.
10. Afrigters moet respek toon vir mekaar se sportsoorte. Liefde vir sport in die algemeen is van primêre belang. Leerlinge moet ook 'n liefde vir die sportsoort aangekweek word d.m.v. motivering en voorbeeld. Afrigtings moet nie net t.o.v. hul sportsoort lojaliteit betoon nie, maar ook teenoor die skool. Al is die ander sportsoort nie 'n gunsteling by u nie, is u in die geheel nog steeds deel van die sportafrigters van die skool.
11. Leerlinge (onderwysers) wat nie aan 'n sportsoort deelneem (afrig) nie, moet aangemoedig en gemotiveer word om deel te neem (af te rig). Verskillende maniere van motivering moet gereeld ondermekaar geruil word, sodat almal betrek kan word.
12. Afrigting moet korrek, sinvol en met 'n doel geskied. Afrigters moet op hoogte bly van die jongste afrigtingsmetodes en moet hulle so ver moontlik verder bekwaam deur kursusse en klinieke by te woon en werklik te begin afrig. Dit is 'n oneer om ook onvoorbereid vir afrigting op te daag en 'n leerling se kosbare tyd te vermors.

13. Leerlinge mag NOOIT sonder toesig oefen nie.
14. Leerlinge wat nie gereeld en getrou oefen nie, behoort nie aan wedstryde deel te neem nie. Dit moet baie duidelik aan voornemende deelnemers uitgespel en afgedwing word.
15. Afrigters van die verskillende sportsoorte vergader elke eerste dag van elke kwartaal.
16. Akademiese werk geniet voorrang bo sport. Afrigters en leerkragte moet onderling reëlings tref om mekaar tot voordeel van die kind, te probeer help. Die leerling mag egter nooit sport as 'n verskoning gebruik waarvan huiswerk of akademiese werk nie gedoen is nie.
17. Uitslae wat in die saal gelees moet word, moet betyds ingelewer word, in die taal van die saalbyeenkoms. Hou dit kort en saaklik.
18. 'n Leerling wat aangedui het dat hy aan 'n sportsoort wil deelneem, neem daaraan deel. Indien so 'n leerling die sportsoort wil verlaat, moet die leerling sy afrigter persoonlik in kennis stel, met redes en ook die nuwe afrigter se sportsoort van sy voorneme in kennis stel. Die betrokke afrigters, die hoof van die sportsoorte betrokke en die hoof van sport moet dan elke geval op meriete behandel en uitsluitel gee.
19. 'n Leerling wat hom wangedra, nie opdaag vir 'n wedstryd nie, moet onmiddellik an die Skoolhoof gerapporteer word. Hy sal met verdere stappe voortgaan en terug rapporteer.
20. Wintersporttoefeninge mag nie in die somer met somersportsoorte inment of bots nie en omgekeerd. Die betrokke seisoen se sport kry voorkeur.

STRUKTURE TEN OPSIGTE VAN BESTUUR:

21. Oorhoofs sal alle sportaktiwiteite gekoördineer word deur die sportorganiseerder.
22. Elke sportsoort sal bestuur word deur die sportorganiseerder.
23. Afrigters sal aangewys word vir elke span of spesifieke sportitem.

- 23.1 Die getal leerlinge wat deelneem;
- 23.2 Die getal spanne wat afgerig moet word, sal die getal afrigters per sportsoort bepaal.

VERANTWOORDELIKHEDE VAN:

A. AFRIGTER

- 1. Verantwoordelik vir die ontsluiting van kennis aan deelnemer t.o.v. reëls en praktiese beoefening van spel.
- 2. Verantwoordelik vir die instandhouding en beveiliging van die apparaat en fasiliteite.
- 3. Verantwoordelik ten alle tye vir die veiligheid, beskerming en versorging van alle deelnemers.
- 4. Vergesel span na oefeninge, wedstryde, kompetisies, ens.
- 5. Voorsien hulp t.o.v. alle ter saaklike reëlins i.v.m. oefeninge, vervoer, registeropnames, byhou van inventarisse, beserings, prestasies, ens.
- 6. Identifiseer kandidate (nominasies t.o.v. erekleure)
- 7. Bevorder sy sportsoort ewewigtig en positief.
- 8. Verantwoordelik teenoor skoolhoof ten alle tye t.o.v. betrokke aktiwiteit.

Dit bly die verantwoordelikheid van die skoolhoof, sportorganiseerder en afrigters om aan elke kind die geleentheid te bied om die sportsoort(e) van sy/haar eie keuse te beoefen en toe te laat om dit te beoefen en sodoende sportmanskap en samewerking te bevorder!

* * * * *